


آمریکا بیرلشمیش دۆلتلری و ضد امپریالیست امام خمینی

1357 اینجی ایل فارس شاهى ایران ممالیکی محروسه سیندن اوزاقلشامادان آمریکا بیرلشمیش دۆلتلری ایکی کانال واسیطه سی ایله آیت الله خمینی ایله ایلشگیده اولموش. تهراندا محمد بهشتی و مهدی بازرگان، فرانسه ده آیت الله خمینی نین آل آلتی، بیر عؤمور



تنگزاسدا یاشامیش ابراهیم یزدی رسالتی قبول ائتمیشلر. ابراهیم یزدی آمریکالی دوستو ریچارد کاتم ایله آمریکا خارجی ایشلر ناظرلیگی ایله ایلشگیده اولموش. آمریکا بیرلشمیش دۆلتلری نین آیت الله خمینی ایله فرانسه-دکی ایلشگیلری "یزدی- وارئن زیمئрман (Zimmermann)" باشلیغی آلتیندا ثبت اولموش. وارئن زیمئрман فرانسه-ده آمریکا بیرلشمیش دۆلتلری نین بؤیوک دیپلماتی اولموش و آیزندان بنش یول آیت الله خمینی نین قالدیغی ویلادان بیر کیلومتر آراسی اولموش بیر قوناقلیقدا و هوتلده نوفل لوشاتودا ابراهیم یزدی ایله گؤروشموش و دوشونجه آیش وئریشی ائتمیشلر. قارشیدا گؤرونن سند آمریکا سفیرلیگی نین فرانسه-ده آیت الله خمینی ایله کئچیردیگی گؤروشو اوزره آمریکا گؤندردیگی 6 صحیفه لیک پروتوکولون بیرینجی صحیفه سیندن آلینمیش. ابراهیم یزدی نین کئچمیشده ده آمریکا مقاملاری ایله گؤروشلری اولموش. ... بو سندلره اساسا ابراهیم یزدی - زیمئрман کانالی 1979 اونجو ایلین ژانویه آیی نین بیرمی بئشیندن (1357، دی آیی

نین بیرمی بئشیندن)، شاه ایراندان آریلمادان بیر گون اؤنجه فعال اولموش. ابراهیم یزدی نین ایستکلریندن بیرینجیسی شاهین نه زامان ایراندان آریلماسینی دقیقلشدیرمک اولارکن واشئنگتون بو مسئله نی دقیقلشدیرمکدن بویون قاچیرمیش. آیت الله خمینی نین کارتئر دۆلتی ایله مستقیم گؤروشمک ایستگی بئشینجی گؤروشده بیلدیرلمیش. او زامان شاه ایراندان اوزاقلشامیش، مملکتین اداره اولونماسی دا شاهپور بختیارا و نظامیلره (آرتش) بوراخلمیش. شاهپور بختیار اوچاقلارین اینیش و قالدیشینی دوردورموش. آیت الله خمینی نین بو سفاریشی ابراهیم یزدی واسیطه سی ایله آمریکا مقاملاریندان اولان زیمئرمانا فرانسه نین محلی وقتی ایله سحر ساعت 10 -دا باش توتموش. بو سنده اساسا آیت الله خمینی آچیقجا کارتئر دۆلتیندن ایران آرتئشینه تأثیر ائتمه سینه و آیت الله خمینی نی داشییاچاق اوچاغین فرودگاه هوایمانینا اینیشینه اجازه وئرلمه سینی ایستتمیش. بو آنلاشماغا اساسا آیت الله خمینی طرفی آمریکا دۆلتی نین چیخارلارینی تأمین ائده حکمیش. آیت الله خمینی دئمیش: "بختیارین و ایران قوشونو باشچیلاری نین ایندیکی فعالیتلری ایران خالقى اوچون ضررلی اولارکن آمریکا دۆلتی اوچون ده ضررلیدیر، خاص اولاراق ایرانداکی آمریکالیلار اوچون داها دا ضررلیدیر." بو فعالیتلر منیم ایراندا یئنی فتوا وئرمگیمه یول آچار". آیت الله خمینی آرتیرمیش: "سبز ایران قوشون باشچیلارینا سفاریش ائدینیز: - شاهپور بختیاردان اطاعت ائتمه

یه رک بیز ایله مخالفت ائتمگه سون وئرسینلر!". بو سنده اساسا ابراهیم یزدی کلمه کلمه فارسجا یازدیغی "آیت الله خمینی نین پیامینی اوخورکن، ترجمه ائدیرمیش". آیت الله خمینی دئیمیش: "بختیار و قوشون باشچیلاری نین ایندیکی رهبرلیگی دخالت ائتمزسه لر، بیز جاماعاتی ساکیت ائده جه بیک. بو دا آمریکالیلارین ایراندا آسیب گؤرمدیکلرینه ایمکان ساغلاياجاقدیر". آمریکانین بؤیوک نیگرانلیقلاریندان بیری ده مینلر نظامی مستشار و آمریکا وطنداشلاری نین جان گونلیگی ایمیش. آیت الله خمینی نین ایستگینه اساسا آمریکا مقاملاری انقلابین سسینی ائشیتدیکده و انقلابلا آياقلاشدیقدایراندای آمریکالیلارین جانی خطر دهوشمزمیش. بو اساسدا و بو تضمینلر اساسیندا محمد بهشتی، ابراهیم یزدی انقلابین باشاریغی و غلبه گلدیگی گونلرینده "ستاد کل ارتش" تیکنیتی و بیناسی نین یئر آلتیندا سیلاحلی چیریکلرین محاصیره سینه دوشموش آمریکا نظامی مستشارلاری نین باشچسی ژنرال فیلیپ گست ایله بیرمی آلتی آیری آمریکا نظامی شخصلری ساغ و سالامات ائشیکه گتیره رک تهراندا آمریکا سفیرلیگینه تحویل وئرمیشلر.



ابراهیم یزدی بیر چوخ دانیشیق و مصاحبه لرده آیت الله خمینی نین مترجمی اولموش.

دقت: سونرالار ابراهیم یزدی دانیشیقلاری نین بیرینده اوزونو آیت الله خمینی نین دانیشمانی و سؤزجو دئییه قلمه آماغا چالیمیش. اونون بو داورانیشی و عملی آیت الله خمینی طرفیندن رد اولونموش.

ابراهیم یزدی، آیت الله خمینی نین شخصی سفاریشینی واشئنگتونا بیلدیرکن، آیت الله خمینی نین کئچمیش کوره کنی، شهریار روحانی ده آیت الله خمینی نین آمریکادا سؤزجوسو و نماینده سی اولاراق فعال اولدوغو اوچون بو دوغرولتودا آمریکا خارجی ایشلری ناظیرلیگی ایله گؤروشموش. یایلمیش سندلره اساسا شهریار روحانی ده آمریکا مقاملارینا، ایران قوشونو و شاهلیق گاردینا آیت الله خمینی نین ایرانا گلمه سینه داییر مانع اولماماقلاری اوچون سفاریش ائتمه لرینی (آیت الله خمینی طرفیندن) ایستیمیش. بو موضوع سائرس وئس واسیطه سی ایله آق ائو (کاخ سفید) مسئوللارینا بیلدیرلمیش. شهریار روحانی بیر ساعت یاریم داوام ائدن دانیشیقلاردا ایران انقلابی نین دمکراتیک اولدوغونو و نظامی دیکتاتورلوق اولمایاجای دوغرولتوسوندا اوچ دلیل گتیرمیش:

- 1) ایران انقلابینی کرامت صاحیبی اولان بیر شخص باشچیلیق ائتدیگی اوچون، او نین و مائو تسه تونگ کیمی دموکراتیک موباریزه نین ماهیتینی دگیشمز.
- 2) دینی رهبرلر خالق ایله دؤلت آراسیندا بیر کؤرپو نقشینی اویناماغا داوام ائدر، بئله لیکله دؤلتین سیاستینی جاماعاتا و جاماعاتین ایستکلرینی دؤلته ایضاح ائتمکله اونلارین آراسیندا اولان ایلگی و ایلیشگی کسيلمز.
- 3) ایران جامعه سینده انقلابین دمکراتلیغی تثبیت اولدوغو و چوخ درین اولدوغو اوچون، هر هانکی بیر نظامی گوج اونا قارشى قویا بيلمز و اونو دانابيلمز.

ایشیق سؤنمز، 20.01.2019

قایناق: کامبیز فتاحی، بی بی سی، پیام محرمانه خمینی به کارتر، یایلمیش

14 فوریه 2018: <https://aleborzma.wordpress.com/> /پیام محرمانه خمینی به کارتر/